



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 39. Francisci Folcari antiqui Venetorum Ducis obitus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

ni Patruelis, atque Jacobi Cardinalis Ne-
 pos fatis cessit, quem per nutricem He-
 lenæ Cypri Reginae veneno extinctum
 nonnulli referunt. Hæc ipsa Regina de-
 functo Marito suo, secundis nuptiis Lu-
 dovico Ducis Sabaudiaë Filio copulata
 est. Discimus quorumdam Scriptorum
 fide, quod summus Pontifex, sinistro li-
 cet successu, in id incubuerit, ut inter vi-
 duam hanc, & Petrum de Borgia suum
 Nepotem Patrimonii S. Petri Gubernato-
 rem connubium conciliaret, eo consi-
 lio, ut hunc in Cyprii regni solio subli-
 mem cernere posset, hunc in finem quem-
 dam S. Augustini Alumnum in hanc In-
 sulam legasse, ast in vanum laborasse di-
 citur. Enimvero Callistum propinquis
 ad honorum apices provehendis vehe-
 mentius, quam ejus ætas, & sancta quam
 gerebat, dignitas, paterentur, incubuisse
 constat: Ast id ipsum maximam ipsi la-
 bem inuffit.

§. XXXIX.

*Francisci Foscarì antiqui Venetorum
 Ducis obitus.*

Hic idem annus Venetorum Reipubli-
 cæ sat funestus accidit, ob mortem di-
 gnissimi Viri Francisci Foscarì, qui defuncto
 Thoma Mocenigo Anno supra millesimum
 quadringentesimo vigesimo tertio in Du-
Histor. Eccles. Tom. XXVIII. Kk cem

Sæcul. XV.
 A. C. 1457.

*Æn. Sylv.
 Europ. c. 50.*

Sæcul. XV.
A C. 1457. cem suffectus erat. Venerandus iste senex, cum sub suo regimine, quod triginta quinque annos cum summa nominis sui laude gessit, Philippo Mediolanensium Duci fuis sæpius ejusdem copiis ingentes intulisset clades, ac Brixia, Bergamoque urbibus eidem ademptis, ditionem Venetam terra marique longe ampliasset, adhuc tam firma corporis valetudine fruebatur, ut Senatum summa cum sollicitudine moderari nosset, licet jam jam ferme nonagesimum ætatis suæ annum ageret. Ast Respublica non sine nota vix unquam auditæ ingratitude nis (*) hunc Virum tanquam Senatui præ senio inutilem gubernationi cedere compulit. Hæc injuria tantopore Francisci animum afflixerat, ut inter domesticos lares vitam privatam ducere pertæsus, paulopost cum indignatione adversus patriam suam naturæ debitum redderet. Ejusdem Filius natu major veluti in Rempublicam quippiam molitus esset, accusatus, parem infestæ fortunæ calamitatem expertus, ac in exilium depulsus est, a quo tamen sive agnitæ tandem inno-

(*) *Æquius cum Spondano Continuat. ad hunc annum num. 14. asserimus: hoc certius tribuendum esse nonnullorum ambitioni ac æmulationi, quam æquitati, & justitiæ Senatus toti orbi comprobata.*

innocentiæ suæ testimonio, sive fervidis Sæcul. XV.
amicorum precibus adjutus, brevi revo- A. C. 1457.
catus fuit. Attamen vix domum redux
nova rursus accusationum capita adver-
sus eum proferuntur; unde quæstioni
subjectus, cum nullum crimen fateretur,
in Peloponesum relegatus, miseram ibi
vitam finivit. Præterea Foscarum Gener,
cum Cretam Insulam nomine Reipublicæ
gubernaret, domum repetere cogebatur,
atque ingenti mulctatus pecunia in exi-
lium mittebatur. Filiorum suorum alius
Romam auffugit, ubi ad Episcopatum Pa-
tavinum nominatus, demum a Pau-
lo V. (*) clam Cardinalium Collegio ad-
scriptus est.

§. XL.

(*) *Continuatorem corrigendum esse cense-
mus; cum enim Paulus V. primum anno 1605.
Pontificios apices ascenderit, hunc Petrum Vi-
rum centum annorum & amplius gravem Car-
dinalibus ab eo aggregatum fuisse dicendum
foret: igitur potius Sixtum IV. legendum pu-
tamus; sub ejus enim Pontificatu Onuphrius
Panvinius in sua epitome Pontificum Romano-
rum recenset Petrum Foscarum, eumque ap-
pellat Venetum, & Primicerium S. Marci Ve-
netiarum, ac Episcopum Patavinum, testatur-
que illum Anno 1477. Cardinalem tit. S. Ni-
colai fuisse creatum.*